

增注類證活人書卷五

此一卷論治法。古人治傷寒有法。非雜病之此五種不同。六經各異。陰陽傳受日數淺深。藥劑溫涼。用有先後。差之毫釐。輕者危殆。況不識法者乎。傷寒唯兩感不治。其餘證候。雖感異氣。能消息之。無不愈者。其有差失。仲景所謂醫殺之耳。知其法者。若網在綱。如此而汗。如此而吐。如此而下。桂枝承氣瓜蒂四逆。用之無不差。唯其應汗而下。爲痞。爲結胃。爲懊懣。應下而汗。爲亡陽。爲譫語。爲下厥上竭。又有當溫反吐。療熱以溫。變證百出。無復紀律。

擾擾萬緒起矣大抵傷於寒爲病熱孫真人云服承氣湯得利差慎不中補也熱氣得補復成王叔和云虛熱不可大攻之熱去則寒起二人之論疑若相戾然熱氣有實有虛非深得仲景之意豈能至此耶

〔三十一〕

問冬謂之傷寒春謂之溫病夏謂之熱病

素問云冬三月是謂閉藏水冰地圻無擾乎陽又云彼春之暖爲夏之暑彼秋之忿爲冬之怒是以嚴寒冬令爲殺厲之氣君子善攝生當嚴寒之時行住坐卧護身周密故不犯寒毒彼奔馳荷重勞房之人皆

辛苦之徒也。當陽閉藏而反擾動之，則鬱發腠理，津液強漬，爲寒所薄，膚腠緻密，寒毒與榮衛相渾，當是之時，壯者氣行則已，怯者則着而成病矣。其卽時而病者，頭痛身疼，肌膚熱而惡寒，名曰傷寒。其不卽時而病者，寒毒藏於肌膚之間，至春夏陽氣發生，則寒毒與陽氣相薄於榮衛之間，其病與冬時卽病無異。但因春溫氣而變名曰溫病，因夏熱氣而變名曰熱病。溫熱二名，直以熱之多少爲義。陽熱未盛，爲寒所制，病名爲溫；陽熱已盛，寒不能制，病名爲熱。故大醫均謂之傷寒也。

古人云未滿三日者可汗而已其滿三日者可泄而已此大略之言耳病人有虛有實邪氣傳受遲速不等豈可拘以日數仲景云日數雖多但有表證而脉浮者由宜發汗日數雖少若有裏證而脉沈者即宜下之正應隨脉以汗下之

傷寒固有始得病便變陽盛之證須便下之又有膝

理寒一二日便成少陰病者須急溫之

又況六氣之邪乘虛入經自背

得之則入太陽或入少陰

緣少陰有伏脉在背

自面感之則入

陽明之類不必皆始於太陽兼寒邪有首尾止在一

經或間傳一二經不可以一理推但據脉與外證治

之此活法也。假令有人脉浮頭項強痛發熱而惡寒，每日如此，不以日數多少，止是太陽經受之。其餘經絡皆倣此，大抵傷寒憑脉與外證，以汗下之。若過日多，脉尚大浮，數按之不足者，尚責太陽也。可發汗而愈。若按之實者，汗之必死。須下之而愈也。若始得病，脉細沈數，外證或腹滿咽乾，或口燥舌乾而渴，爲正責屬裏，可下之而愈。若無此證，但發熱脉沈者，誤下必死。須行麻黃附子甘草湯。正三麻黃細辛附子湯。正三小發汗。此皆仲景之確論也。

三十三

問陽虛陰盛，汗之則愈，下之則死。陽盛陰

虛汗之則死下之則愈

素問云陽虛則外寒陰虛則內熱陽盛則內熱陰盛則外寒故治傷寒者陽虛陰盛汗之則愈下之則死陽盛陰虛汗之則死下之則愈也陰陽虛盛非謂分脉尺寸也表陽也裏陰也外臺云表病裏和汗之則愈表和裏病下之則愈亦只是論表裏陰陽以汗下之

之

難經云陰陽虛實者說脉也素問云陰陽虛盛者說表裏也仲景論傷寒汗下故引素問表裏之義

與外臺所論合矣

○大抵榮衛爲表屬陽胃腑爲裏屬陰寒

毒爭於榮衛之中必發熱而惡寒尺寸俱浮大內必不躁設有微煩其人飲食欲溫而惡冷爲陽虛陰盛

也。汗之則愈。誤下則死。○若寒毒相薄於榮衛之內而陽勝陰衰。極陰變陽。寒盛生熱。而陽熱之氣盛而入裏。熱毒居胃。水液乾涸。燥糞結聚。其人外不惡寒。必蒸蒸發熱。而躁甚。則讞語。其脉浮滑而數。或洪實。爲陽盛陰虛也。下之則愈。誤汗則死。

謹按黃帝素問調經論云。陽虛則外寒。陰虛則內熱。陽盛則外熱。陰盛則內寒。蓋陽主外而陰主內。又曰。陽虛陰盛。汗出而愈。下之則死。陽盛陰虛。汗出而死。下之則愈。今三十二問。誤寫作陽盛則內熱。陰盛則外寒。竊詳內外寒熱不同。則汗下差誤。

便分死生。又按將作監簿王宗正難經疏義有陰陽盛虛汗下圖與素問合以理考之。此是三十問誤寫。合行刊正。勿誤後人。

三十四 問仲景有發汗者有和解之者

傷寒表證須看榮衛淺深。故仲景有正發汗湯劑如麻黃湯正一桂枝湯正一。大青龍湯正三五是也。有和解其表如小青龍湯正二。桂枝麻黃各半湯正二。白虎湯正六。桂枝二越婢一湯正四。柴胡桂枝湯正十一。小柴胡湯正五之類是也。後人不能深究寒熱淺深藥性緊慢。一概用藥。因茲天傷。其間縱獲生全。往往



汗後虛乏遂致勞復或變生百病淹引歲月卒至不救此皆由汗下過度陰陽並竭血氣羸損以致此禍如遇病輕但當和解之所謂和其榮衛以通津液令其自解也

〔三十五〕問仲景有宜下之有微和其胃氣者

傷寒裏證須看熱氣淺深故仲景有宜下之如大承氣湯〔正四二〕小承氣湯〔正四三〕十棗湯〔正八九〕大柴胡湯〔正三〕是也有微和其胃氣如調胃承氣湯〔正四三〕脾約圓〔雜六〕少與小承氣〔正四二〕微和之之類是也金匱玉函云虛者十補勿一瀉強實者瀉之虛實等者瀉勿大

洩之故王叔和序傷寒有承氣之戒○又問轉藥孰
緊荅曰大承氣最緊小承氣次之調胃承氣湯又次
之大柴胡又次之仲景治法蕩滌熱積皆用湯液不
得用圓子藥不可不知也

大柴胡加大黃小柴胡加芒硝方為轉藥蓋為病輕

者設也

〔三十六〕

問傷寒一日頭疼口乾煩滿而渴二日腹
滿身熱不欲食譫語三日耳聾囊縮而厥
水漿不入不知人

此名兩感傷寒也兩感者表裏俱病也太陽與少陰
為表裏陽明與太陰為表裏少陰與厥陰為表裏陰

陽雙傳臟腑俱病此爲難治六日而死矣故一日太陽與少陰俱病則頭痛口乾煩滿而渴二日陽明與太陰俱病則腹滿身熱不欲食讖語三日少陽與厥陰俱病則耳聾囊縮而厥仲景無治法但云兩感病俱作治有先後發表攻裏本自不同尋至第三卷中言傷寒下之後復下利不止身疼痛者當急救裏宜四逆湯正七五復身體疼痛清便自調者急當救表宜桂枝湯正一遂以意尋此倣倣治兩感有先後宜先救裏若陽氣內正即可醫也內才正急當救表蓋內尤爲急才溫內則急救表亦不可緩也

三十七

問傷寒已經發汗吐下仍不解

古人謂之壞病

仲景云太陽病三日已發汗若吐若下若溫鍼仍不

解者為壞病桂枝不中與也當知何逆隨證治之又

云太陽病不解轉入少陽者脇下鞕滿乾嘔不能食

往來寒熱尚未吐下其脉沈緊者可與小柴胡湯三

五若已吐下發汗小柴胡證罷此為壞病知犯何逆

以法治之蓋為病中又感異氣變為壞病以時令寒

暑燥濕風氣不節脉息與少陽相異

小柴胡證罷

證候與

傷寒不同

麻黃桂枝不中與也

明當消息其由以法治之若脉

尺寸俱盛重感於寒變為溫瘧

先熱後寒名曰溫瘧在第六卷四十四問

陽脉浮滑陰盛濡弱更過於風變為風溫四支不收頭疼身熱

常自汗出在第六卷四十五問陽脉洪數陰脉實大更遇溫熱變為

溫毒為病最重春月肌肉發斑名曰溫毒在第六卷五十一問陽脉濡弱陰

脉弦緊更遇溫氣變為溫疫一歲之中長幼疾狀多相似感四時不正之氣

在第六卷四十六問脉證之變方治不同仲景謂溫病之脉行

在諸經不知何經之動隨其經而取之也又有傷寒

過經再受熱邪留畜臟腑病候多變久而不差陰陽

無復綱紀及傷寒解後虛羸少氣皆名壞傷寒也母知

麻黃湯雜二八驚甲散雜九九黑奴圓雞干檢方與病證相參選用之若傷寒解後虛羸少氣氣逆吐者竹葉

石膏湯主之正九五



增注類證活人書卷五終



北京中医药大学图书馆版权所有

增注類證活人書卷六

此一卷論傷寒傷風熱病中暑溫病溫瘧風溫溫疫中濕濕溫瘧病溫毒之名天下之事名定而實辨言順則事成又況傷寒之名種種不同若識其名縱有差失功有淺深效有遲速耳不得其名妄無加治療往往中暑乃作熱病治之反用溫藥濕溫乃作風溫治之復加發汗名實混淆是非紛亂性命之寄危於風燭今於逐問下詳載疾狀而名之曰某病庶幾因名識病因病識證如暗得明胷中曉然而處病不差矣

三十八 問脉浮而緊。濇頭疼。身體拘急。惡寒無汗。

曰。其欲寒多熱少。面色慘而不舒。腰脊疼痛。手足

命之。指末微厥。不煩躁。

此名傷寒也。傷寒之候。發熱惡寒。頭疼。腰脊痛。脉緊。

無汗。宜發汗而解。麻黃湯主之。正二輕者。只與桂枝。

麻黃各半湯。正二又人參順氣散。雜二葱豉湯。雜七四

用。○然太陽病亦有熱多寒少者。須子細看脉與證

也。熱多寒少。不嘔。清便自可。宜桂枝麻黃各半湯。曰。

脉浮者。雖熱多寒少。自可發汗。若脉弱者。無陽也。桂

枝二越婢一湯主之。正四熱多寒少。而大脉遲者。榮



氣不足血少故也。先以小建中湯。正乙加黃耆最良。
尺脉尚遲。再作一劑。○或太陽證宜汗。而其人適失
血及下利。則頻頻與少桂枝湯。正乙使體潤。熱熱連
日當自解。○假如淋家。衄血家。法不可汗。亦可以小
柴胡。正乙之類和解之。

三十九

問脉浮而緩。寸大而尺弱。自汗。體熱。頭疼。
惡風。熱多寒少。其面光而不慘。煩躁。手足
不冷。

此名傷風也。傷風之候。頭疼發熱。脉緩。汗出惡風。當
須解肌。宜桂枝湯主之。正乙輕者。只與柴胡桂枝湯。